

**Uunga siunnersuut: Naartunermi, erninermi meeravissiarthaarnermilu sulinnigiffeqar-
tarneq pillugu Inatsisartut inatsisaat nr. xx, uu. qqqq 2019-imeersoq**

Kapitali 1

Sulinnigiffeqarneq

*Naartunermi, erninermi meeravissiarthaarnermilu sulinnigiffeqarnermut sulinniginnermullu
nalinginnaasumik piumasaqaatit*

§ 1. Inatsisartut inatsisaat manna malillugu naartunermi, erninermi meeravissiarthaarnermilu sulinnigiffeqarsinnaatitaanermut sulinnigissinnaatitaanermullu ilaapput, inuit,

- 1) Kalaallit Nunaanni aalajangersimasumik najugallit inuillu nalunaarsorsimaffiannut nalunaarsimasut, imaluunniit
- 2) Nunani Avannarlerni Isumaginninnikkut Isumannaallisaaneq pillugu Isumaqatigiissummut imaluunniit nunat tamalaat akornanni isumaqatigiissummut allamut Kalaallit Nunaannut atuuttumut ilaatinneqartut.

Imm. 2. Sulinnigiffeqartup piffissaq sulinnigiffeqarfusoq meeraq najorlugu atussagaa meeqqap erniunerata imaluunniit tiguneqarnerata kingorna sulinnigiffeqarsinnaatitaanermut sulinnigissinnaatitaanermullu piumasaqaataavoq, taamaattorli § 19 kiisalu § 20, imm. 2 takukkit.

§ 2. Inatsisartut inatsisaanni matumani malittarisassat isumaqatigiisuteqarnikkut sulinnigiffeqartumut ajoqutaasumik sanioqqunneqarsinnaangillat.

Naartunermi erninermilu sulinnigiffeqarsinnaatitaaneq sulinnigissinnaatitaanerlu

§ 3. Arnaq erninissamut sapaatit akunneri 2-nngortut missingerneqarpat erninerullu kingorna sapaatit akunneri 15-it tikillugit naartuneq pissutigalugu sulinnigiffeqarsinnaatitaavoq.

Imm. 2. Marlulinermi imaluunniit amerlanerusunik ataatsikkut erninermi arnap sulinnigiffeqarfia sapaatit akunnerinit 15-init sapaatit akunnerinut 19-inut sivitsorneqassaaq.

§ 4. Arnaq nakorsat suliainnut atatillugu kaammattuuteqarnerat malillugu najugaqarfigisami avataanut erniartortussatut innersuunneqartoq ernivissamut angalanerup ulluanit § 3-lu malillugu sulinnigiffeqarsinnaatitaanerup aallartinneranut sulinnigissinnaatitaavoq. Arnap nakorsanit innersuunneqartumik assartorneqarnissaa sulinnigissinnaatitaanermut piumasaqaataavoq.

§ 5. Arnaq naartusoq § 3 malillugu sulinnigiffeqarsinnaatitaanerup atuutilinginnerani sulinnigissinnaatitaavoq, nakorsap naliliinera malillugu arnap suliinnarnerata naartunerup arnap naartulluunniip peqqissusiinut kingunerluuteqarsinnaanera ilimagineqarpat.

§ 6. Arnaq naartusoq § 3 malillugu sulinngiffeqarsinnaatitaanerup atuutilinnginnerani sulinngissinnaatitaavoq, suliap pissusia nakorsap naliliinera malillugu naartumik naartunermilluunniit ulorianartorsiortitsippat, imaluunniit aalajangersakkat pisortanit aalajangersarneqartut arnap sulisinnaanera akornuserpassuk sulisitsisorlu pisuni taamaattuni naartusumut suliffimmik naleqquttumik allamik neqeroorutissaqanngippat.

Imm. 2. Arnaq naartusoq naartunermi imm. 1 naapertorlugu suliffimmik allamik neqeroorfigineqartoq neqeroorummik itigartitsisinnaavoq, makku pineqartillugit:

- 1) nalinginnaasumik suliarisartagaanit allaanerujussuarmik suliaqarnissaq pineqarpat,
- 2) nalinginnaasumik suliarisartagaanit allatut qaffasissusilimmik suliaqarnissaq pineqarpat,
- 3) suliffigisaq taarserneqarpat nuuttariaqarnermik imaluunniit suliffimmut suliffimmiillu sivirusumik assartorneqartariaqalernermik malitseqartumik, imaluunniit
- 4) ullup sapaatip akunnerataluunniip qanoq ilinerani sulisarnissaq annertuumik allannguuteqarpat.

Imm. 3. Sulisitsisoq imm. 1 naapertorlugu siusinnerusukkut suliffigisimasami sapaatip akunneranut nalunaaquttap akunneri suliffiusartut amerlaqataannik suliffiusumik suliffimmik naleqquttumik allamik neqerooruteqarsinnaanngippat, arnaq sulinngissinnaatitaavoq akunnernut sapaatip akunneranut suliffiusussap ikilisinneqarnerinut naapertuuttunik.

§ 7. Ataataasoq meeqqap erniunerata kingorna sapaatit akunnerisa 15-it siulliit iluanni sapaatit akunnerini ataqatigiissuni 3-ni sulinngiffeqarsinnaatitaavoq.

Imm. 2. Ataatsikkut meeqqanik ataatsimit amerlanerusunik erniusoqartillugu, ataataasoq erninermut atatillugu sulinngiffeqarsinnaatitaavoq meeqqap erniunerata kingorna sapaatit akunnerisa 19-it siulliit iluanni sapaatit akunnerini ataqatigiissuni 3-ni .

Meeravissiartaarnermi sulinnginnermut sulinngiffeqarsinnaanermullu piumasagaatit il.il.

§ 8. Meeqqamik Kalaallit Nunaanni najugalimmik meeravissiartaartut, meeqqap tigusissaa sioqqullugu sapaatip akunnerani 1-imi sulinngissinnaatitaapput.

Imm. 2. Meeqqamik Kalaallit Nunaata avataani najugalimmik meeravissiartaartut, meeqqap tigusissaa sioqqullugu sapaatit akunnerini pingasuni sulinngissinnaatitaapput.

§ 9. Meeravissiartaartut meeqqap tigusinera kingornatigut sapaatit akunnerini 15-ini sulinngiffeqarsinnaatitaapput. Sapaatit akunnerisa 15-it takkua iluanni sapaatit akunnerini pingasuni ataatsikkut sulinngiffeqarsinnaatitsisoqarpoq. Sapaatit akunneri sinneruttut meeravissiartaartut taamaallaat ataasiakkaarlutik atorsinnaavaat.

Imm. 2. Meeravissiartaartut meeqqanik marlunnit amerlanerusunilluunniit aallertut sapaatit akunnerini 19-ini sulinngiffeqarsinnaatitaapput. Sapaatit akunnerisa 19-it takkua iluanni sapaatit akunnerini pingasuni ataatsikkut sulinngiffeqarsinnaatitsisoqarpoq. Sapaatit akunneri sinneruttut meeravissiartaartut taamaallaat ataasiakkaarlutik atorsinnaavaat.

§ 10. §§ 8 aamma 9 malillugit meeravissiartaartut tassaapput inuit, meeqqamik tigusinnginnerani nalusaminnik meeravissiartaarnissamut meeravissiartaartussatut

akuerineqarsimasut imaluunniit meeravissiarthaarnissaq siunertaralugu ilaqutariittut paarsisartutut akuerineqarsimasut.

Meeqqanik paaqqutarineqartussanik tigusinermut atatillugu sulinngiffeqarneq

§ 11. Meeraq ilaqutariinnut paaqqutarineqartussanngortinneqarpat kommunalbestyrelsip aalajangersinnaavaa meeqqap tiguneqarneranut atatillugu angajoqqaarsiannngortut arlaat sulinngiffeqarsinnaassasoq.

Imm. 2. Meeqqap paaqqutarineqartussatut inissinneqarneranut atatillugu sulinngiffeqarnermut malittarisassanik sukumiinerusunik Naalakkersuisut aalajangersaasinnaapput.

Angajoqqaatut sulinngiffeqarneq

§ 12. Meeqqap erniunerata tiguneqarnerataluunniit kingorna sapaatit akunnerinut 15-inut siullernut atatiinnarlugu angajoqqaajusut katillugit sapaatit akunneri 17-it tikillugit angajoqqaatut sulinngiffeqarsinnaatitaapput.

Imm. 2. Marlulissanut amerlanerusunulluunniit ataatsikkut erniusunut tiguneqartunulluunniit angajoqqaajusut, erniunerup meeqqalluunniit tiguneqarnata kingorna sapaatit akunnerinut 19-inut siullernut atatiinnarlugu sapaatit akunneri 21-t tikillugit ataatsimut angajoqqaatut sulinngiffeqarsinnaatitaapput.

Imm. 3. Imm. 1 aamma 2 malillugit angajoqqaatut sulinngiffeqarsinnaatitaaneq taamaallaat angajoqqaajusut ataasiakkaarlutik atorsinnaavaat.

Angajoqqaatut sulinngiffeqarnermik sivitsuineq

§ 13. Angajoqqaat § 12 malillugu angajoqqaatut sulinngiffeqarnerminnik suli sapaatit akunnerinik 4-nik sivitsuisinnaatitaapput.

Imm. 2. Imm. 1 malillugu angajoqqaatut sulinngiffeqarnermik sivitsuisinnaatitaaneq taamaallaat angajoqqaajusut ataasiakkaarlutik atorsinnaavaat.

§ 14. Sulisitsisoq isumaqatigiissuteqarfigalugu akissarsiaqarluni sulisartup suliffillip § 13 malillugu piffissami sulinngiffeqarfiusumi sulinini tamakkiisumik ilaannakortumilluunniit aallarteqqissinnaavaa.

Imm. 2. Imm. 1 naapertorlugu sulinerup ilaannakortumik aallarteqqinneqarneranut atatillugu, sulinngiffeqarsinnaatitaaneq sivitsorneqassaaq nalunaaquttap akunnerinik sulinerup aallarteqqinneqarneranut atorneqarsimasunik.

Imm. 3. Imm. 1 naapertorlugu sulinerup tamakkiisumik aallarteqqinneqarneranut atatillugu sulinngiffeqarnerup sinneranik atuisinnaatitaaneq kinguartinneqassaaq, taamaattorli kingusinnerpaamik meeqqap 5-inik ukioqalernissaanut.

§ 15. Inuk kapitali 5 naapertorlugu erninnermut atatillugu ullormusiaqarsinnaatitaanermut piunasaqaatinik naammassinnittoq, kommunalbestyrelsimut qinnuteqareernikkut sulisisumillu isumaqatigiissuteqarnikkut § 13 malillugu piffissami sulinngiffeqarfiusumi tamakkiisumik ilaannakortumilluunniit sulileqqissinnaavoq.

Imm. 2. Imm. 1 naapertorlugu ilaannakortumik sulileqqinnermut atatillugu, sulinngiffeqarsinnaatitaaneq sivitsorneqassaaq piffissamik sulileqqinnermut atorneqarsimasumik.

Imm. 3. Imm. 1 naapertorlugu tamakkiisumik sulileqqinnermut atatillugu, sulinngiffeqarfiusussap sinnerani sulinngiffeqarsinnaatitaaneq kinguartinneqassaaq, kingusinnerpaamilli meeqqap 5-inik ukioqalernissaanut.

§ 16. Inuk kapitali 5 naapertorlugu erninnermut atatillugu ullormusiaqarsinnaatitaanermut piunasaqaatinik naammassinnittoq kissaateqarpat sulinngiffeqarnerup sinnerata § 14, imm. 3, imaluunniit § 15, imm. 3 malillugit ingerlanneqarnissaannik, tamanna pissaaq tamatumingga kommunalbestyrelsimut qinnuteqareernikkut.

Imm. 2. Sulinngiffeqarnissaaq sinneruttoq sapaatip akunneranit ataqatigiissumit ataatsimit sivikinnerusumi ingerlanneqarsinnaanngilaq.

Angajoqqaat aapparmik sulinngiffeqarsinnaatitaaneraniq tiguisarnerat

§ 17. Ernereernerup kingorna angajoqqaajusup arlaata aappaasup sulinngiffeqarsinnaatitaaneraniq tigusinissaa kommunalbestyrelsip akuerisinnaavaa pissutsit imaappata:

- 1) angajoqqaq sulinngiffeqartoq toqukkut qimaguppat,
- 2) angajoqqaq sulinngiffeqartoq perulunnini pissutigalugu meeqqamik paarsinnaanngippat, imaluunniit
- 3) pissutsit immikkorluinnaq ittut atuupata.

§ 18. Ataataasup sulinngiffeqarsinnaatitaaneraniq anaanaasup nuliata imaluunniit nalunaarsukkamik aapparisaata tigusinissaa kommunalbestyrelsip akuerisinnaavaa pissutsit imaappata:

- 1) Meeraq atoqatigiinnani kinguaassaqaalersitsilluni nakorsanit suliarineqarnikkut pinngorsimappat,
- 2) anaanaasup nulia imaluunniit nalunaarsukkamik inooqatigisaa suliarineqarnissamut akuersisimappat,
- 3) suliarineqarnerup nalaani aappariit inooqatigiippata, aamma
- 4) meeqqamut ataataassuseq aalajangersarneqarsimannngippat.

Pisuni immikkut ittuni sulinnginneq sulinngiffeqarsinnaatitaanerlu

§ 19. Meeraq toqungalluni erniuppat, meeravissiassanngortinneqarpat, meeqqat tapersorneqarnissaannut Inatsisartut inatsisaat naapertorlugu angerlarsimaffiup avataanut

inissinneqarpat, imaluunniit meeraq erniunermi kingornatigut sapaatit akunnerisa 15-it imaluunniit 19-it siulliit iluanni toquppat §§ 3 aamma 7 malillugit sulinngiffeqarsinnaatitaaneq atorunnaassanngilaq.

§ 20. §§ 12 aamma 13 naapertorlugit angajoqqaat sulinngiffeqarsinnaatitaaneq atorunnaartarpoq meeraq meeravissiassanngortinneqarpat, meeqqat tapersorsorneqarnissaannut Inatsisartut inatsisaat malillugu angerlarsimaffiup avataanut inissinneqarpat, imaluunniit toquppat, taamaattorli imm. 2 takujuk.

Imm. 2. §§ 19 aamma 20 apequtaatinnagit angajoqqaat sapaatit akunnerini sisamani ataqatigiisumik sulinngissinnaatitaapput §§ 3, 7 imaluunniit 12 malillugu piffissami sulinngiffeqarfiusumi meeraq toquppat. Sulinnginneq meeqqat toquneranut atatiinnarlugu ingerlanneqassaaq.

§ 21. Meeraq piffissap angajoqqaat sulinngiffeqarsinnaatitaaffiata iluani napparsimmavimmut unippat piffissaq sulinngiffeqarfiusoq piffissap napparsimmavimmi uninnaffiusup sivosqataanik, taamaattorli § 7 malillugu ataataasup sulinngiffeqarsinnaatitaanera ilanngunnagu, sivitsorneqassaaq, taamaattorli sivisunerpaamik sapaatit akunneri 13-it tikillugit.

Imm. 2. Imm. 1 malillugu piumasaqaatit aamma atuupput, meeraq nakorsap naliliinera pissutigalugu piffissap erninerup kingornatigut nalinginnaasumik uningaviusartup kingornatigut angerlartinneqarsinnaanngippat.

Piffissap sulinngiffeqarfiusup kipitinneqarnera

§ 22. §§ 3, 7 imaluunniit 12 malillugit sulinngiffeqarneq kipitinneqarpat, sulinngiffeqarnissap sinnera atorunnaassaaq.

Imm. 2. Sulinngiffeqarneq kipitinneqartutut isigineqassaaq, sulineq ilinniarnarlunniit aallarteqqinneqarpat aallartinneqarluniluunniit, angajoqqaajusullu aappaa tamatumunnga atatiinnarlugu sulinngiffeqarnermik aallartitsinngippat.

Naartuneq sulinngiffeqarnissarlu pillugit sulisitsisumut ilisimatitsissuteqartussaataaneq

§ 23. Arnaf akissarsiaqarluni sulisartup naartunini erniffissatut naatsorsuutigineqartoq kingusinnerpaamik sapaatit akunnerinik 13-inik sioqqullugu sulisitsisuminut ilisimatitsissutigissavaa. Arnaf erninermut atatillugu sulinngiffeqarnini qaqugu aallartissallugu naatsorsuutiginerini sulisitsisuminut tamatumunnga peqatigitillugu ilisimatitsissutigissavaa.

Imm. 2. Arnaf, erninermi kingornatigut kingusinnerpaamik sapaatit akunnerisa 12-it kingornatigut, qaqugu sulileqqinnissani naatsorsuutiginerini sulisitsisuminut ilimatitsissutigissavaa.

§ 24. Ataataasup Inatsisartut inatsisaat manna malillugu sulingiffeqarnissamik kissaateqartup sulisitsisuni tamatuminnga ilisimatissavaa, sulingiffeqarfiup aallartiffissaatut naatsorsuutigineqartoq sapaatit akunnerinik 4-nik sioqqullugu.

Imm. 2. Meeraq napparsimmavimmi nalinginnaasumik uninnganermi saniatigut napparsimmavimmut unitsinneqarpat uninngatiinnarneqarpalluunniit meeqqap ataataata piffissaq sulingiffeqarfiusussatut imm. 1 malillugu nalunaarutigisani allanngortissinnaavaa. Napparsimmavimmut unitsitsineq imaluunniit napparsimmavimmi uninnganerup sivitsorneqarnissaa ilisimalerniariarlugu tamanna sulingiffeqartup sulisitsisuminut ilisimatitsissutigissavaa.

§ 25. Akissarsiaqarluni sulisartup sulingiffeqarnera § 21 naapertorlugu meeqqap napparsimmavimmut unitsinneqarneranik pissuteqartumik sivitsorneqarpat, napparsimmavimmi uninnganerup sivitsorneqarnissaa ilisimalerniariarlugu tamanna akissarsiaqarluni sulisartup sulisitsisuminut ilisimatitsissutigissavaa. Meeqqap angerlartinneqarnera kiisalu piffissaq sulingiffeqarnerup pineqartup sivitsorneqarnera akissarsiaqarluni sulisartup sulisitsisuminut taamatuttaaq ilisimatitsissutigissavaa.

§ 26. Akissarsiaqarluni sulisartuq angajoqqaajusup aappaata §§ 17 aamma 18 naapertorlugit sulingiffeqarsinnaatitaaneranik tigusippat, akissarsiaqarluni sulisartup angajoqqaatut sulingiffeqarsinnaatitaanermik tigusinini kiisalu sulingiffeqarnerup sivisussusissaa sulisitsisuminut ilisimatitsissutigissavaa. Ilisimatitsineq piffissap sulingiffeqarfiusussap aallartinnissaa sapaatit akunnerinik 8-nik sioqqullugu pissaaq. Pisuni tassanngaannartuni ilisimatitsineq piaarnerpaamik pissaaq.

Kapitali 2

Sulingiffeqarnermi akissarsiaqarsinnaatitaaneq

§ 27. Akissarsiaqarlutik sulisartut kapitali 1-imi malittarisassat malillugit sulingiffeqartut, sulingiffeqarnerminni akissarsiaqarsinnaatitaapput nalunaaquttap akunnerinut akissarsiaqarluni sulisartup suliffigisaanut, taamaattorli amerlanerpaamik sapaatip akunneranut nalunaaquttap akunnerinut 40-nut.

Imm. 2. Akissarsiaqarlutik sulisartut imm. 1 naapertorlugu sapaatip akunneranut nalunaaquttap akunnerinik aalajangersimasunik suliffeqarsimanngitsut eqqarsaatigalugit, nalunaaquttap akunneri sulingiffeqarfissaq sioqqullugu sapaatit akunnerini 13-ini kingullerni agguaqatigiissitsinikkut suliffigisimasai aallaavigalugit akissarsiat naatsorsorneqassapput, taamaattorli sapaatip akunneranut nalunaaquttap akunnerinut amerlanerpaamik 40-nut.

Imm. 3. Imm. 1 naapertorlugu naatsorsuineri makku pissutigalugit piffissat sulingiffiusut isiginiarneqassanngillat:

- 1) napparsimanerit,
- 2) inatsisartut inatsisaat manna malillugu sulinginnerit,
- 3) tunisassiassaaleqineq silallu qanoq innera pissutigalugit piffissap ilaani suliffissaaleqinerit,
- 4) feriarnert, aamma

5) akissarsiaqarani pikkorissarluni qaffasinnerusunilluunniit ilinniagaqarnerit suliffeqaannarsinnaanermut pingaarutillit.

§ 28. Namminersortuni sulisunut akissarsiat tunniunneqartut, tak. § 27, nalunaaquttamut akissarsiamik, akissarsiaqarluni sulisartup piffissami nalinginnaasumik tigusassaraluisa 80 pct.-iinut naapertuuttumik, ikinnerpaamik amerlassuseqassapput. Sulisitsisorli pisussaaffeqanngilaq utertinneqarsinnaasut annerpaaffigisinnaasaannit amerlanerusunik nalunaaquttap akunneranut akissarsisitsisassalluni, akissarsiaqarluni sulisartup atorfinitsinneqarneranut atugassarititaasuni allatut aalajangersaasoqarsimanngippat. Akissarsiat nalunaaquttap akunneranut ataatsimut erninermut atatillugu ullormusiaritinneqartunit qaqugumulluunniit atuuttunit ikinnerusinnaanngillat.

Kapitali 3

Sulisitsisunut namminersortunut erninermut aningaasaateqarfik

§ 29. Kapitali 3-mi malittarisassat atuutissapput:

- 1) Sulisitsisumut namminersortumut kimulluunniit sulisoqarnermut akitsuut pillugu Inatsisartut inatsisaanni aalajangersakkat malillugit sulisoqarnermut akitsuummik akiliisussaataitaasunut.
- 2) Inummut namminersortumi sulisumut kimulluunniit, sulisoqarnermut akitsuut pillugu inatsisartut inatsisaanni aalajangersakkat malillugit sulisoqarnermut akitsuummik akiliiffiusimasunik akissarsiaqartumut.

Imm. 2. Kapitali 3-mi malittarisassat namminersorlutik inuussutissarsiuteqartunut taakkulu aapparisaannut inooqataannulluunniit ikiortaasunut atuutissasut Naalakkersuisut malittarisassiorsinnaapput.

Akissarsianut aningaasartuutininik sulisitsisut utertitsisinnaatitaanerat

§ 30. Sulisitsisoq, akissarsiaqarlutik sulisartunut kapitali 1-imi malittarisassat malillugit sulinngiffeqartunut, taamaattorli imm. 2 takujuk, akissarsianut aningaasartuutininik qinnuteqareernikkut utertitsivigineqarsinnaavoq.

Imm. 2. Aningaasat utertinneqartussat imm. 3 naapertorlugu utertinneqarsinnaasut amerlanerpaaffigisinnaasaattut aalajangersarneqartup iluani akissarsianut aningaasartuutit 80 procenteraat. Nalunaaquttalli akunneranut ataatsimut aningaasat utertinneqarsinnaasut nalunaaquttap akunneranut erninermut atatillugu ullormusiaqartitsinermut akimit qaqugukkulluunniit atuuttumit ikinnerusinnaanngillat.

Imm. 3. Nalunaaquttap akunneranut ataatsimut akissarsiat utertinneqarsinnaasut amerlanerpaaffigisinnaasaat (utertinneqarsinnaasut amerlanerpaaffigisinnaasaat) ukiut tamaasa Inatsisartunit Aningaasaanut inatsimmi aalajangersarneqartassaaq.

Imm. 4. Akissarsianut aningaasartuutit suut utertinneqarsinnaatitaanersut pillugit Naalakkersuisut sukumiinerusunik malittarisassiorsinnaapput.

§ 31. Sulisitsisut erninermut aningaasaateqarfimmit utertitsivigineqarnissaminnik qinnuteqaateqassapput ukiup sisamararterutaata utertitsivigineqarnissamut tunngasup naanerata kingorna qaammatit tallimat qaangiutsinnagit.

Imm. 2. Imm. 1-imi piffissarititaaq qaangerneqarpat utertitsisinnaatitaaneq atuukkunnaassaaq.

Imm. 3. Utertitsivigineqarnissamik inaarutaasumik piumasaqaatit naatsorsorneqarsinnaanngippata, aningaasanik missingiilluni qinnuteqaat imm. 1-imi piffissarititap iluani nalunaarutigineqassaaq. Utertitsivigineqarnissamik siusinnerusukkut qinnuteqaatit iluarsineqarnissaannik piumasaqaatit ukiup sisamararterutaata utertitsivigineqarnissamut tunngasup naanerata kingorna qaammatit 14-it qaangiutsinnagit nalunaarutigineqassapput.

Imm. 4. Utertitsivigineqarnissamik qinnuteqarnermut ilusissanut piumasaqaatit uppersaatissallu pillugit malittarisassanik sukumiinerusunik Naalackersuisut aalajangersaasinnaapput.

§ 32. Akissarsiaqarlutik sulisartut aalajangersimasunik tiimeqanngitsut piffissaq sulinnigiffeqarfiusussaaq sioqqullugu sapaatit akunnerisa 13-it kingulliit iluanni allamik suliffeqarsimagunik pisussaapput siusinnerusukkut sulisitsisorisimasaminnit akissarsianut tunniunneqarsimasunut erninermut aningaasaateqarfimmut uppersaatinik nassiussinissaminnut.

Namminersortut erninermut aningaasaateqarfiata allaffissornikkut aqunneqarnera

§ 33. Sulisitsisunut namminersortunut erninermut aningaasaateqarfiup allaffissornikkut aqunneqarnera ingerlanneqarneralu siulersuisunit isumagineqassaaq.

Imm. 2. Siulersuisunut ilaasortassanik 5-inik Naalackersuisut toqqaassapput, taamaalillutik:

- 1) suliniaqatigiiffiit akissarsiaqarlutik sulisartunik sullissisut inassuteqareernerisigut ilaasortat 2-t toqparneqassallutik,
- 2) suliniaqatigiiffiit sulisitsisunik sullissisut inassuteqareernerisigut ilaasortat 2-t toqparneqassapput.

Imm. 3. Naalackersuisut siulersuisut siulittaasussaat toqqaassavaat, siulersuisulli namminneq qinikkaminnik siulittaasup tullilerlutik inissitsitissallutik.

Imm. 4. Siulersuisut piffissamut ukiunut 4-nut toqparneqartassapput toqparneqaqqissinnaassallutillu.

§ 34. Ukiunut 4-nut toqqaagaaffiup iluani siulersuisunut ilaasortamik Naalackersuisut soraarsitsisinnaapput, piumasaqaatit uku arlaat naammassineqarsimappat:

- 1) Inatsisartut inatsisaat una malillugu suliassat ingerlanneqarnerini ilaasortaq annertuumik sumiginnaasimappat.
- 2) Inatsisartut inatsisaat una malillugu suliassat toqqissisimanartumik ilaasortamit ingerlanneqarsinnaaneranut tatiginninnermik annertuumik ajoqusiisumik ilaasortaq iliuuseqarsimappat.

3) Siulersuisunut ilaasortanit pingasunit ilaasortap soraarsinneqarnissaa inassutigineqarpat Naalackersuisullu misissuereerlutik isumaqarpata soraarsitsisoqartariaqarpoq. Inassuteqaat allakkatiguussaaq tunngavilersugaallunilu.

§ 35. Siulittaasoq siulersuisunulluunniit ilaasortaq piffissap qinigaaffiup naannginnerani tunuarpat, soraarsitaappat toquppalluunniit, § 33, imm, 4 naapertorlugu piffissap toqqagaaffiup sinneranut taartaasussamik Naalackersuisut toqqaassapput.

§ 36. Siulersuisut suleriaasissartik nammineq aalajangersassavaat.

§ 37. Siulersuisut allatseqarfimmik pilersitsissapput.

Imm. 2. Allatseqarfiup siulersuisut allaffissornikkut sullinneqarnerat ikiorneqarnerallu isumagissavaa.

Imm. 3. Allatseqarfimmi sulisunik atorfinitsitsisarnissamut soraarsitsisarnissamullu siulersuisut piginnaatitaapput.

§ 38. Siulersuisunut ilaasortat aningaasarsiaqartinneqassanngillat.

Imm. 2. Siulersuisunut ilaasortat siulersuisut ataatsimiinnerinut peqataajartorlutik najugaqarfimminnit aallartariaqartut Inatsisartunut Naalackersuisunullu il. il. ilaasortat aningaasarsiaqartitaanerat il. il. pillugit Inatsisartut inatsisissaanni Inatsisartunut ilaasortaannigitsunut aningaasarsiat tapisiallu pillugit malittarisassat malillugit ullormusiaqartinneqarlutillu angalanermi aningaasartuutunik utertitsivigineqarsinnaatitaapput. Aningaasartuutit taakku erninermut aningaasaateqarfiup missingersuutaasa iluannit akissaajaatit aningaasartuutigineqassapput.

§ 39. Erninermut aningaasaateqarfimmi suliassat suliarinissaannut atugassanik siulersuisut sulisitsisunut, kommunit, akileraartarnermik ingerlatsivimmumut pisortallu nalunaarsuiviinut allanut paasissutissanik attuumassutilinnik pissarsiniarsinnaavoq.

Ukiumoortumik nalunaarutit Naalackersuisunullu nalunaarut

§ 40. Sulisitsisunut namminersortunut erninermut aningaasaateqarfiup siulersuisui, ukiup aningaasanut inatsiseqarfiusup tullianut § 61 naapertorlugu akileeqataassutip procentinngorlugu annertussusissaanut aamma § 30, imm. 1 naapertorlugu utertinneqarsinnaasut annerpaaffigisinnaasaannut ukiut tamaasa Naalackersuisunut siunnersuuteqartassapput. Ukiumi aggersuni erninermut aningaasaateqarfiup isertitassatut aningaasartuutissatullu naatsorsuutigisaanut missingersuutunik siunnersuut imaqaasartaaq.

Imm. 2. Ukiumut aningaasanut inatsiseqarfiusumut tullermut akileeqataassutip procentinngorlugu annertussusissaanut utertinneqarsinnaasullu annerpaaffigisinnaasaannut siunnersuutit kingusinnerpaamik tunniunneqarfissaat pillugu Naalackersuisut malittarisassiorsinnaapput.

§ 41. Siulersuisut ukiut tamaasa sulisitsisunut namminersortunut erninermut aningaasaateqarfik pillugu ukiumoortumik nalunaarusiortassapput. Ukiumoortumik nalunaarut erninermut aningaasaateqarfiup naatsorsuutaanik imaqassaaq.

Imm. 2. Sulisitsisunut namminersortunut erninermut aningaasaateqarfiup naatsorsuutai, kukkunersiuisumit nunatta karsiata naatsorsuutaanik kukkunersiuisartumit kukkunersiorneqartassapput. Kukkunersiuiineq pisassaaq Namminersorlutik Oqartussat naatsorsuutaat pillugit inatsisiliornerni qaqugukkulluunniit atuuttuni malittarisassat malillugit.

Imm. 3. Sulisitsisunut namminersortunut erninermut aningaasaateqarfiup ukiumoortumik nalunaarutaa, ukiup naatsorsuuteqarfiusup naanerani qaammatit 4-t iluanni siulersuisunit atsiorneqassaaq Naalackersuisunullu nassiunneqarluni.

§ 42. Sulisitsisunut namminersortunut erninermut aningaasaateqarfiup siulersuisui tunniussisarnerit pillugit kisitsisitigut, tassunga ilanngullugit inuussutissarsiutinut, suaassutsinut, naartunermi, erninermi meeravissartaarnermilu sulinngiffeqarnernut kiisalu angajoqqaatut sulinngiffeqarnernut agguataarlugit sapaatit akunnerinut qassinut tunniussisoqartarneranik, paasissutissartalimmik ukiut tamaasa Naalackersuisunut nalunaaruteqartassapput.

Imm. 2. Imm. 1 naapertorlugu nalunaarummut piumasaqaatinik sukumiinerusunik Naalackersuisut malittarisassiorsinnaapput.

Nakkutilliineq

§ 43. Sulisitsisunut namminersortunut erninermut aningaasaateqarfik Naalackersuisunit nakkutigineqassaaq.

Imm. 2. Erninermut aningaasaateqarfimmi paasissutissanik tamanik, ilaatigut inuit ataasiakkaat taakkulu atugaat pillugit paasissutissanik aningaasaateqarfiullu nammineq atugassaatut allagaatinik, nakkutilliinerup ingerlanneqarnissaanut Naalackersuisut pingaartutut naliligaannik tamanik Naalackersuisut paasitinneqarsinnaatitaapput.

Imm. 3. Sulisitsisunut namminersortunut erninermut aningaasaateqarfimmik nakkutilliinerup piareersarneqarnera imarisassaalu pillugit, ilaatigut erninermut aningaasaateqarfimmut akiliutaasartut tunniunneqartartullu nakkutigineqarnerat pillugu, malittarisassanik Naalackersuisut aalajangersaasinnaapput.

Kapitali 4

Pisortat erninermut atatillugu naligiissaarineranut aqqissuussinerat

§ 44. Naalackersuisut pisortani sulisitsisunut pisortat erninermut atatillugu naligiissaarineranut aqqissuussinerannik pilersitsissapput, pisortani sulisut kapitali 1 malillugu sulinngiffeqartut akissarsiaannut aningaasartuutinut tamakkiisumik ilaannakortumilluunniit utertitsiviusartumik.

Imm. 2. Erninermut atatillugu naligiissaarisarnermut aaqqissuussinerup allaffissornikkut aqunneqarneranut ingerlanneqarneranullu malittarisassanik sukumiinerusunik Naalakkersuisut aalajangersaasinnaapput.

Imm. 3. Pisortani sulisut sulinngiffeqarnermi akissarsiaqarsinnaatitaaner at pisortanilu sulisitsisut utertitsivigineqarsinnaatitaaner at pillugit malittarisassanik sukumiinerusunik Naalakkersuisut aalajangersaasinnaapput. Pisortat erninermut atatillugu naligiissaarisarnermut aaqqissuussinerata aalajangiinerisa allaffissornikkut oqartussanut allanut naammagittaalliutigineqarsinnaannginner at pillugu malittarisassanik sukumiinerusunik Naalakkersuisut taamatuttaaq aalajangersaasinnaapput.

§ 45. Paasissutissanik attuumassutilinnik pisortat erninermut atatillugu naligiissaarisarnermut aaqqissuussineranni suliassat sularineqarnissaannut atorneqartussanik sulisitsisunit, kommuninit, akilertaarnermik ingerlatsivinnit pisortallu nalunaarsuiviinit allanit pissarsiniartoqarsinnaavoq.

Kapitali 5

Erninermut atatillugu ullormusiat

Erninermut atatillugu ullormusiaqarsinnaatitaanermut nalinginnaasumik malittarisassat inuillu pineqartut killilerneqarnerat pillugit ataatsimut malittarisassat

§ 46. Inuk piffissami sulinngiffeqarfiusumi erninermut atatillugu ullormusiaqarsinnaatitaavoq, pineqartoq:

- 1) kapitali 1-imi sulinngiffeqarsinnaatitaanermut piunasaqaammik naammassinnissimappat, taamaattorli imm. 3 takujuk,
- 2) piffissap sulinngiffeqarfiusussap atuutilinnginnera sioqqullugu sapaatit akunnerini kingullerni 13-imi suliffeqarnermut attuumassuteqarsimappat, namminersorluni inuussutissarsiteqarsimappat imaluunniit ilinniagaqarsimappat, aamma
- 3) piffissami erninermut atatillugu ullormusiaqarfiusussatut qinnuteqaatigineqartumi erninermut atatillugu ullormusianut taarsiuttunik akissarsiaqarsinnaatitaanngippat allanilluunniit pisartagaqarsinnaatitaanngippat.

Imm. 2. Inuk piffissap sulinngiffeqarfiusup ilaannaanut akissarsiaqarsinnaatitaasoq erninermut atatillugu sulinngiffeqarfiusup ilaanut pineqartup sulinngiffeqarnermini akissarsiaqarsinnaatitaaffiginngisaanut erninermut atatillugu ullormusiaqarsinnaatitaasinnaavoq.

Imm. 3. Inuk §§ 4, 6, imaluunniit § 20, imm. 2 malillugit sulinngitsoq piffissap sulinngiffiusup ilaanut pineqartup akissarsiaqarfiginngisaanut erninermut atatillugu ullormusiaqarsinnaatitaasinnaavoq.

§ 47. Erninermut atatillugu ullormusiat nalunaaquttap akunneri sulinngiffeqarfissaq sioqqullugu sapaatit akunnerini 13-imi kingullerni agguaqatigiissitsinikkut pineqartup

suliffigisimasai aallaavigalugit naatsorsorneqassapput, taamaattorli sapaatip akunneranut nalunaaquttap akunnerinut amerlanerpaamik 40-nut.

Imm. 2. Imm. 1 naapertorlugu naatsorsuinerimi makku pissutigalugit piffissat sulinnigiffiusut isiginiarneqassanngillat:

- 1) napparsimanerit,
- 2) inatsisartut inatsisaat manna malillugu sulinniginnerit,
- 3) tunisassiassaaleqineq silallu qanoq innera pissutigalugit piffissap ilaani suliffissaaleqinerit,
- 4) feriarnerit, aamma
- 5) akissarsiaqarani pikkorissarnerit qaffasinnerusunilluunniit ilinniagaqarnerit suliffeqaannarsinnaanermut pingaarutillit.

Imm. 3. Inuk piffissami sulinnigiffeqarfiusumi akissarsiaqarsinnaatitaallunilu erninermut atatillugu ullormusiaqarsinnaatitaasoq, katillugit nalunaaquttap akunnerinut amerlanerpaamik 40-nut akissarsiaqarlunilu erninermut atatillugu ullormusiaqarsinnaatitaavoq.

§ 48. Erninermut atatillugu ullormusiat nalunaaquttap akunneranut aalajangersimasumik amerlassusilikkatut tunniunneqartassapput, Sulinermik Inuussutissarsiuteqartut Kattuffiata (SIK) pisortallu sulisitsisuisa suliamik ilinniagaqanngitsut 18-inik ukioqalereersimasut pillugit isumaqatigiissutaat qaqugukkulluunniit atuuttoq tunngavigalugu akissarsiat ikinnerpaaffissaannut naapertuuttumik.

Imm. 2. Erninermut atatillugu ullormusiap annertussusia Naalakkersuisut ukiut tamaasa 1. januarimi tamanut saqqummiuttassavaat.

Imm. 3. Erninermut atatillugu ullormusiat feriarneriuteqaatigineqarsinnaanngillat.

Erninermut atatillugu ullormusiat tunniunneqartarnerat, allaffissornikkut aqutsineq, il.il.

§ 49. Inatsisartut inatsisaat manna tunngavigalugu erninermut atatillugu ullormusiat tunniunneqarmissaannik qinnuteqaat sulinnigiffeqartup aalajangersimasumik najugaqarfigisaani inuillu nalunaarsorsimaffiannut nalunaarsorneqarfigisaani kommunalbestyrelsimut tunniunneqassaaq.

Imm. 2. Sulinnigiffeqartoq kommuninut agguataarinerup avataani najugaqarpat qinnuteqaat Naalakkersuisunut suliap suliarineqarneranik isumaginnittussanut tunniunneqassaaq.

Imm. 3. Erninermut atatillugu ullormusiaqarumalluni qinnuteqaat ullormusiaqarsinnaatitaanerup atuutileranerit qaammatit tallimat qaangiunneranni tunniunneqanngippat erninermut atatillugu ullormusiaqarsinnaatitaaneq atorunnaassaaq.

§ 50. Erninermut atatillugu ullormusianik tunniussineq, tak. § 49, sapaatit akunneri marlukkaarlugit piffissamulluunniit sivikinnerusumut pisassasoq kommunalbestyrelsip aalajangersinnaavaa.

Imm. 2. Pissutsit immikkut ittut tamanna tunngavissaqartippassuk kommunalbestyrelsip aalajangersinnaavaa erninermut atatillugu ullormusiat tamakkiisumik ilaannakortumilluunniit nioqqutissanik pisissutissanngorlugit tunniunneqartassasut.

Imm. 3. Pisuni immikkut ittuni kommunalbestyrelsip aalajangersinnaavaattaq erninermut atatillugu ullormusiat kommunalbestyrelsimit tamakkiisumik ilaannakortumilluunniit aqunneqassasut.

§ 51. Inatsisartut inatsisaat manna malillugu erninermut atatillugu ullormusiaqartoq pisussaaffeqarpoq pissutsit nammineq meeqqalluunniip atugaasa allannguutaat tamaasa erninermut atatillugu ullormusiaqarsinnaatitaanerup annikillisinneqarneranik atorunnaarneranilluunniit nassataqarsinnaasut oqartussaasumut ullormusianik tunniussisartuusumut nalunaarutigissallugit.

Imm. 2. Pissutsit imm. 1-imi taaneqartut allannguutaat pillugit paasissutissiilluni nalunaarutiginninnginneq pissutigalugu erninermut atatillugu ullormusiat eqqunngitsumik tiguneqarpata imaluunniit qinnuteqartoq paasissutissanik eqqunngitsunik suliap suliarineqarnerani atugassanik tunniussippat aningaasat eqqunngitsumik tiguneqartut utertillugit akilerneqassapput.

§ 52. Sulinnigffeqartoq sulinnigffeqarnermini imaluunniit sulinnigffeqarnermi ilaani feriarnersiutininik tigusaqarpat, piffissani feriarnersiutisiffiusuni erninermut atatillugu ullormusiaqarsinnaatitaanngilaq.

Imm. 2. Sulinnigffeqartoq piffissami sulinnigffeqartup Inatsisartut inatsaat manna malillugu erninermut atatillugu ullormusiaqarfisimasaani sulinermi isertitassaagaluanut annaasanut taarsiissutisippat taakkuluunniit assigisaannik pissarsippat, piffissamut pineqartumut erninermut atatillugu ullormusiaritinneqarsimasut tamakkiisumik ilaannakortumilluunniit utertillugit akilerneqarnissaat piunasaqaatigineqarsinnaavoq.

§ 53. Erninermut atatillugu ullormusianik qinnuteqartoq piffissami tassani erninermut atatillugu ullormusiaqarfiusumi pineqartup tamakkiisumik ilaannakortumilluunniit pilersorneqarneranut matusissutissatut taarsiissutinik assigisaannilluunniit tigusaqarpat, oqartussaasup erninermut atatillugu ullormusianik tunniussisup, aningaasat taakku tunniunneqarsimasut utertillugit akilerneqarnissaat piunasaqaatigisinnaavaa.

Namminersorlutik inuussutissarsiutillit

§ 54. Namminersorluni inuussutissarsiutilik piffissami erninermut atatillugu ullormusiaqarsinnaatitaassapput, pineqartup piffissami sulinnigffeqarfiusumi inuussutissarsiornermik ingerlatsinini unitsissavaa allanulluunniit tunniullugu.

Imm. 2. Namminersorlutik inuussutissarsiutillit aapparisaat inooqatigisaalluunniit ikiortaasartut piffissami sulinnigffeqarfiusumi erninermut atatillugu ullormusiaqarsinnaatitaapput, pineqartoq piffissami pineqartumi aapparisap inooqatigisalluunniip inuussutissarsiornermik ingerlatsinerani ikiuutissanngippat.

§ 55. Namminersorlutik inuussutissarsiutilinnut aamma namminersorlutik inuussutissarsiutillit aapparisaannut inooqatigisaannulluunniit ikiortaasartunut piffissap

sulinngiffeqarfiusussap atuutilinnginnerani sapaatit akunnerini kingullerni 13-ini akissarsiaqarlutik sulisimangitsunut, sapaatip akunneranut nalunaaquttap akunneri ullormusiaqaataasinnaasut nalunaaquttap akunnerinut 14-inut aalajangersarneqassapput, piffissami sulinngiffeqarfiusumi isertitatigut annaasassat ullormusiaritinneqartunit annertuumik nikingassuteqarnissaat sulinngiffeqartussap uppersarsinnaangippagu.

Imm. 2. Pineqartup sapaatit akunnerisa kingulliit 13-it iluanni piffissamut sapaatit akunnerinut 13-inut naatsorsorlugu SIK-p isumaqatigiissutai malillugit akissarsiat ikinnerpaaffissaat malillugu akissarsiaqaataasumik sapaatip akunneranut nalunaaquttap akunnerini 14-imi sulinermut naapertuuttumit amerlanerusunik isertitaqarsimaneramik uppersarsaatnik takutitsinikkut pineqartup isertitatigut annaasaqarsimanini uppersarsinnaavaa.

Imm. 3. SIK-p isumaqatigiissutai malillugit akissarsiat ikinnerpaaffissaannik akissarsiaqarluni nalunaaquttap akunnerinut 14-imut naapertuuttumit annertunerusumik isertitatigut appariaateqarneq pineqartoq sulinngiffeqartup uppersarsarpagu, piffissaq sulinngiffiusoq sioqqullugu sapaatit akunnerini kingullerni isertitaviit aallaavigalugit naatsorsuisoqassaaq.

Imm. 4. Ukiumut isertitat kingulliit atorpeqassapput sapaatit akunnerini kingullerni 13-ini isertitat nalinginnaasutut isigineqarsinnaangippata.

Ilinniartut

§ 56. Ilinniartut ilinniarnermi sulinngiffeqartut piffissami sulinngiffeqarfigisaminni ilinniagaqarnersiuteqarsinnaatitaangitsut, sungiusarlutik sulinerminni tapiissutisisinnaatitaangitsut imaluunniit sungiusaammik sulinerminni akissarsiaqarsinnaatitaangitsut, ilinniagaqarnersiutinut, sungiusarluni sulinerminni tapiissutisianut imaluunniit sungiusaammik sulinerminni akissarsianut naapertuuttunik erninermit atatillugu ullormusiaqarsinnaatitaassapput, meeqqanut pilersuisussaataaffigisanut tapit ilanngullugit. Tapit taakku meeqqanut akilersuutit pillugit inatsisiliornerit qaqugukkulluunniit atuuttut malillugit meeqqanut akilersuutit nalinginnaasut qaqugukkulluunniit atuuttut amerlaqatigaat.

Kapitali 6

Isumaginninnikkut tunniuttakkat allat

§ 57. Suliffissarsiortut pisortanit ikiorsiissutit pillugit Inatsisartut inatsisiliorneri qaqugukkulluunniit atuuttut naapertorlugit ikiorsiissutisartut piffissarlu ernivissatut naatsorsuutigineqartoq sioqqullugu sapaatit akunneri 13-ini kingullerni suliffeqarnermut attuumassuteqarsimanngitsut sulinngiffeqarsinnaatitaapput, erninernulli atatillugu ullormusiaqarsinnaatitaanatik.

Imm. 2. *Imm. 1* naapertorlugu suliffissarsiortut piffissami sulinngiffeqarfigisaminni pisortanit ikiorsiissutinik suli pisinnaatitaassapput, tamatumunnga piumasqaataasunik eqqortitsigunik.

§ 58. Inuit siusinaartumik pensionisiat pillugit inatsisiliornerit qaqugukkulluunniit atuuttut naapertorlugit siusinaartumik pensionisiallit Inatsisartut inatsaat manna malillugu sulinngiffeqarnerminni siusinaartumik pensionisiaqaannarsinnaatitaapput.

§ 59. Akissarsiat tunniunneqartut, tak. § 27, imaluunniit erninermut atatillugu ullormusiat, tak. § 46, ima ikitsigippata tiguisup taassumalu meeraasa pilersorneqarnerinut tunngavissatut naammagatik, taava pisortanit ikiorsiissutit pillugit inatsisartut peqqussutaat malillugu tapiliussanik ikiorsiissuteqartoqarsinnaavoq.

Kapitali 7

Namminersortunut erninermut aningaasaateqarfiup aningaasalersorneqarnera

§ 60. Namminersortunut erninermut aningaasaateqarfik § 61 naapertorlugu akileeqataassutinit sulisitsisunit akilerneqartunit kiisalu nunatta karsianit tapiissutinit, ukiut tamaasa Aningaasanut inatsimmi aalajangersarneqartunit, aningaasalersorneqassaaq.

§ 61. Sulisitsisoq namminersortoq kinaluunniit § 29, imm. 1, nr. 1-imut ilaatinneqartoq kapitalimi matumani aalajangersakkat malillugit namminersortunut erninermut aningaasaateqarfimmut akileeqataassutinik akiliinissaminut pisussaaqqeqarpoq.

Imm. 2. Akileeqataassutissap annertussusia ukiut tamaasa Inatsisartunit Aningaasanut inatsimmi aalajangersarneqartassaaq, akissarsiallu sulisitsisut tunniuttagaasa aalajangersimasumik promilliannik annertussuseqassalluni. Akileeqataassutit erninermut aningaasaateqarfeqarnermut, ilaatigut pilersitsinermut, allaffissornikkut aqutsinermut, nalilersuisarnermut nakkutilliinermullu, akissajaativinnut naapertuutissapput.

Imm. 3. Sulisitsisut akileeqataassutaannik akiligassiisarnerit akiliutinillu ingerlateqqiisarnerit sulisoqarnermut akitsuut pillugu Inatsisartut inatsisaat naapertorlugu sulisoqarnermut akitsuutip akilersinneqartarneranut malittarisassat qaqugukkulluunniit atuuttut peqatigalugit malillugillu pisassapput.

Imm. 4. Erninermut aningaasaateqarfimmi aningaasat atorneqanngitsut ukiup tullianut ingerlateqqinneqartassapput.

Pisortat erninermut atatillugu naligiissaarisarnermut aaqqissuussinerata aningaasalersorneqarnera

§ 62. Pisortat erninermut atatillugu naligiissaarisarnermut aaqqissuussinerannut ukiumoortumik aningaasaliissutinit Aningaasanut inatsimmi aalajangersarneqartunit aningaasalersorneqassaaq.

Imm. 2. Pisortani sulisitsisut pisortat erninermut atatillugu naligiissaarisarnermut aaqqissuussinerannut akileeqataasussaataangillat.

Erninermut atatillugu ullormusiat aningaasalersorneqarnerat

§ 63. Kapitali 5 malillugu erninermut atatillugu ullormusianut aningaasartuutit Nunatta Karsianit akilerneqartassapput.

Kapitali 8

Naammagittaalliuuteqarneq

§ 64. Siulersuisut kapitali 4 malillugu aalajangiineri allaffissornikkut oqartussanut allanut naammagittaalliuutigineqarsinnaanngillat.

§ 65. Inatsisartut inatsisaat manna tunngavigalugu imaluunniit Inatsisartut inatsisaat manna malillugu maleruaqqusat tunngavigalugit kommunalbestyrelsinit aalajangiinerit isumaginnittoqarfiup aqunneqarnera aqqissuussaanageralu pillugit inatsisiliornerit qaqugukkulluunniit atuuttut naapertorlugit Isumaginninnermi Naammagittaalliuuteqartarfimmut naammagittaalliuutigineqarsinnaapput.

Kapitali 9

Pineqaatissiinerit

§ 66. Sulisitsisoq eqqunngitsunik paasissutissiisimappat imaluunniit akiliutit utertinneqartussat tunniunneqarnissaannut pingaarutilinnik paasissutissanik nalunaaruteqarsimangippat, utertinneqartussat tamakkiisumik ilaannakortumilluunniit atorunnaassapput, utertitassallu pisassarinagit tiguneqarsimasut erngerumik utertillugit akilerneqassallutik.

Imm. 2. Aningaasat §§ 30 aamma 61-imi taaneqartut taakkulu erniaat qularnaveeqqutitut arsaarinnissutigineqarsinnaatitaapput.

Imm. 3. Akileeqataassutissat piffissaagallartillugu akilerneqangippata, akileeqataassutissat ernialersorneqassappat, Sulisoqarnermut akitsuut pillugu Inatsisartut inatsisaat naapertorlugu sulisitsisut akiliutaannut malittarisassat assingi malillugit.

§ 67. Eqqunngitsunik paatsiveerussaataasunilluunniit paasissutissanik tunniussinermut imaluunniit § 61 naapertorlugu akileeqataassutit akilerneqarnissaannut aamma § 30 naapertorlugu utertitassat tunniunneqarnissaannut paasissutissanik pingaarutilinnik tunniussinnginnermut Kalaallit Nunaanni pinerluttulerinnermi inatsimmi malittarisassat malillugit akiliisussanngortitsisoqarsinnaavoq.

Imm. 2. Inatsisartut inatsisaat tunngavigalugu aalajangersakkani Kalaallit Nunaanni pinerluttulerinnermi inatsimmi malittarisassat malillugit akiliisussanngortitsilluni pineqaatissiisoqartarnissaanik aalajangersaasoqarsinnaavoq.

Imm. 3. Inatsisartut inatsisaanni imaluunniit inatsisartut inatsisaat tunngavigalugu aalajangersakkani akiliisussanngortitsisinnaanermut tunngavissaqartillugu, inatsisitigut inuttut isigineqarsinnaasoq Kalaallit Nunaanni pinerluttulernermi inatsimmi malittarisassat malillugit akiliisussanngortinneqarsinnaavoq.

Imm. 4. Inatsisartut inatsisaat manna imaluunniit inatsit tunngavigalugu aalajangersakkat malillugit akiliisitsissutit Nunatta Karsianut nakkartassapput.

Kapitali 10

Atuutilernera, atorunnaarsinnera aamma ikaarsaarnermut aalajangersakkat

§ 68. Inatsisartut inatsisaat manna 1. januar 2020-imi atuutilerpoq, taamaattorli § 69 takujuk.

Imm. 2. Tamatumunnga peqatigitillugu Naartunermi, erninermi meeravissartaarnermilu sulinggiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersoq atuukkunnaarsinneqarpoq.

§ 69. Inatsisartut inatsisaanni matumani §§ 27-45, § 64, § 66 kiisalu § 67, imm. 1 aamma 2, 1. september 2020-mi atuutilissapput.

§ 70. Allaffissornikkut aalajangersakkat, Naartunermi, erninermi meeravissartaarnermilu sulinggiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersoq tunngavigalugu atuutilersinneqartut, allangortinneqarnissamik atuukkunnaarsinneqarnissamilluunniit tungaanut atuutiinnassapput.

§ 71. Sulinggiffeqartoq inatsisip atuutilerfiani kingusinnerusukkulluunniit sulinggiffeqartillugu, naartunermi, erninermi meeravissartaarnermilu sulinggiffeqartarnermut Inatsisartut inatsisaat atuutissaaq.

Namminersorlutik Oqartussat, ulloq uu. qqqq 2019

Kim Kielsen